

docriver 文川网
古籍书城
入驻商家
在文川网搜索古籍书城 获取更多电子书

福建府縣志輯

中國地方志集成

乾隆泉州府志(一)

乾隆泉州府志(一)

(清)

懷蔭布修
黃任纂
郭賡武



圖書在版編目(CIP)數據

中國地方志集成. 福建府縣志輯. 22, 乾隆泉州府志.
1 / 上海書店出版社編. - 上海: 上海書店出版社,
2000. 10

ISBN 7-80622-424-6

I. 中... II. 上... III. ①地方志-中國②地方志-
福建-泉州市 IV. K29

中國版本圖書館CIP數據核字 (2000) 第 27770 號

docsriver 文川网
入驻商家 古籍书城

在文川网搜索古籍书城 获取更多电子书

重刻泉州府志序

府之有志猶國之有史也史以
載一朝之禮樂政刑而志以紀
一郡之山川人物鉅細雖異要
其探蹟搜逸考獻徵文足令後
之蒞斯邦者奉鑒衡而敷爲政

泉州府志

序

一

教生斯土者仰嘉懿而懋厥躬
修則志與史之非有殊旨明矣
泉之爲郡閩南一大都會也瀛
海環其東雙溪繞其西清紫朋
羅羣山秀峙迹其靈淑所鍾雖
上郡亦不是過然推其人文蔚

起得稱海邦鄒魯則惟紫陽定

夫西山諸大儒涵濡樂育之功
爲最深自宋迄明賢才輩出理
學如許存齋蔡虛齋勳業文章
如留忠宣張襄惠何匪莪清操
碩德如陳簡夫李文節林次崖

泉州府志

序

二

濟濟彬彬輝映史冊我
朝重熙累洽無遠弗届不獨銜華
佩實金馬玉堂之彥蔚爲邦家
光卽鎮北征南梟雄駿偉之姿
提三尺而膺封爵者亦不乏人
焉可謂盛矣泉自唐以前不聞

有志也有之自宋嘉定始嘉靖
隆慶萬厯三志俱散佚無存康
熙雍正兩經脩輯而未成至乾
隆間始采訪而增訂之余於壬
戌下車之初取閱是書覺綱舉
目張條分縷析立言典以則紀

泉州府志

序

三

事辨而詳而於食貨風俗垂戒
祥異諸志尤惓惓有深意存焉
其足以信今而傳後也固宜第
卷帙繁多尙有可刪併之處且
自癸未至今厯百餘年其閒官
師更易風尙變遷戶口盛衰田

賦盈縮難更僕數卽以余之先
後兩任言之其始道途多梗關
擄頻聞今則鏡清砥平士佩衡
而農樂業蒸蒸焉化澆風爲馴
俗矣是固

聖天子深仁厚澤所遺而泉民草污

泉州府志

序

四

更新之一大轉機也安可以不
誌顧自維謏陋才非班馬焉敢
以不文貽大雅之譏况廳縣志
未析其流則府乘何由得集其
成耶己巳秋陳君雨春語余曰
泉郡志板蟻蝕殆盡矣余愕然

曰志所以考疆域審徭賦徵習
尚之隆污驗人才之替興而稽
政治之得失者也余卽不能汰
煩補闕顧忍聽其湮沒不傳乎
亟捐廉銀五百元付黃君香圃
俾選手民重鑄焉嗣約計工費

泉州府志

序

五

尙不敷錢四百千文則皆香圃
一人所捐足用能樂觀厥成也
梓竣爲叙其緣起如是云

同治九年歲次庚午二月上浣

賜進士出身前陝西道監察御史泉

州府知府金華章倬標撰

重修泉州府志序

郡乘者徵文考獻之書也
而實與政治相筭鑰蓋一
郡所轄幅輳既廣其中形
勢之險易習尚之淳澆土
田貢賦之肥確絀贏學校

泉州府志

序

一

又風之興衰隆替胥於志
乎考乃能詳審精明於以
樹圭臬而端樞要使張弛
措厝之曰時就地而不爽
於所施然則郡乘一書可
任其久殘缺不修耶且郡

志體例與通志縣志異通
志匯一省之全體在職其
要縣志就一隅之治體在
職其詳若郡志則斟酌於
詳要之間不支不漏如古
所稱贍而不穢詳而有體

者乃足使纂通志者之有
所挾而纂縣志者之有所
承信今傳後事愈難而愈
不可緩也泉郡志修於明
萬厯間歷百五十餘年矣
中屢輯而未成書不佞甫

守是邦即蒐閱舊志見其
簡略殘脫拊膺者久之夫
以溫陵為天下名區聲名
文物之隆與上國齒而志
乘廢闕若是是可慨也案
牘之餘每思纂輯奈初政

冗紛有志未逮然必欲成
是書而後愜於衷我制
府楊公閱戎行部擁節至
泉首以舊志殘闕為憾進
不佞而訓之曰綱紀文章
亦為政之一事也不佞愈

蓋瞿然亟請於

憲皆報可遂同諸寮友及
五邑令長各捐俸倡修延
請諸君子司其事而不佞
總其成始於己卯之九月
竣於癸未之臘月例宜弁

泉州府志

序

四

言簡端不佞思今日之泉
與舊志所載亦同異參半
泉介山海之間山箐澗而
海澆瀆地鹵壤狹歲豐亦
仰食於海運惟魚鹽商販
之利差足自資蓋貪瘠之

區今猶昔也明季

國初海氛未靖豕突蠱傷康
熙二十三年底定之後休
養生息家給人足重以

相承厚澤淡仁涵濡煦育復
設戎帥開闡於水陸之衝

泉州府志

序

五

百年來山無伏莽海不揚
波子惠之澗防衛之密昇
平之久皆前志所未曾有
即海邦一隅而可以昭同
軌同文之盛若非興人之
採葺何以形

聖治之光華是不可以不紀載者也茲曰舊志者十之四廣舊志所未及者十之六徵引羣籍搜羅百氏滌煩去濫編載匪遺區區之志非徒脩一方之掌故直欲

泉州府志

序

六

後之守是邦者藉此而得所以為治則是編雖徵文考獻之書亦承流宣化之書也是為序

賜進士出身署理興泉永道印務中憲大夫知泉州府事

長白懷蔭布撰



泉州府志

序

七

重脩泉州府志序

泉之名肇自隋唐更歷五季統轄無常所稱泉州猶兼福興漳三府地其所為紀載無聞焉州之地自宋定而志亦自宋始顧嘉定淳祐二志僅存其名元九

泉州府志

郭序

十餘年間又未聞繼作明自洪武至嘉靖乙酉百五十七年方一修之搜羅故籍用力甚勤遺漏亦復不少歷隆慶戊辰相去僅四十五年距前增華頗稱詳備至萬曆壬子大加刪汰以就

省約而論者終以隆慶一志為不可沒云我

朝康熙雍正年間兩經脩輯物議中止稿多無存計自萬曆至今百五十年中更鼎革後復割永春德化以別立為州建置之有

泉州府志

郭序

二

異同規制之有廢興官師名數之有因革或古無而今有或名在而迹亡記載之書均不可缺况

國家太和翔洽之治覃暨海邦人文日盛戶口日滋土田日墾而

風俗日醇及今弗輯是更無以
紀昇平而宣

德意也 太守涵邗懷公治郡有
年脩政寧人新 文廟建經閣
葺萬安順濟二橋百廢俱舉顧
茲郡志方議編摩適今

泉州府志

郭序

三

太子太保體仁閣大學士楊公總
制閩浙己卯之歲按部來泉復
以斯事諄勉於是懷公大張文
告廣徵羣言移牒貳守通守暨
五邑令長六庠儒師分採彙報
開局於承天寺西偏委雒陽巡

宰林君華山司提調掌會計聘

三山黃君莘田暨鄙人廣武主

撰述而以黃君心庵蔡君騰上

相副其時分理諸人許君惕庵

主田賦林君承奎黃君樂序佐

心庵主諸雜類徐君簡之主藝

泉州府志

郭序

四

文尤君際坦主選舉騰上亦專
主列女唯名宦人物二志莘田
先生有言曰志之最大而最難
者莫踰于茲非耳目見聞不足
以徵信非鄉邦推重不足以服
人因囑子專任之子聞言慚懼

然固不敢以自委因思昔人所
言人非鬼責前輯之不成顯有
明徵敢弗慎歟爰為考証前編
苟參邑乘其他有據亦詳為增
補莘田先生識高才博虛已相
商庚辰之冬予於二志粗就規

泉州府志

郭序

五

模而三山諸君所主各類纂輯
郡邑諸志書亦各有成緒奈隔
屬不能久羈於此越明年赴郡
投牘獻書者日益眾文武移文
交相旁午挾送志局堆積如山
因囑騰上以列女志兼諸雜類

予亦以名官人物之餘力時加
點檢會懷公有入

覲之行更告於鄙人曰斯志之脩
我兩人實總其成勿以草率貽
譏歲月非所計也攝篆者子猷
嘉公復重申懷公之命予與騰

泉州府志

郭序

六

上益廣搜諸書凡他處郡邑省
志及前輩紀載詩文集不下數
千本目不停閱手不停揮自辛
己春至壬午秋而後脫稿是冬
適予丁內艱癸未卒哭後復加
編次計為目四十有六卷七十

有六各裁定於懷公而後授梓
是役也指示要領與予先後訂
成者莘田先生也分門別類詳
要得宜與莘田始其基者心庵
也遠紹旁搜疑似必析與予終
其事者騰上也出所藏書以供

泉州府志

郭序

七

蒐討復蕪預分脩者簡之也預
分脩而復與徐君藩伯張君安
仲司校對者際坦也其餘諸君
靡不殫心竭力以仰副懷公雅
意既訖功計百五十餘年中制
度云為官師人物無不犁然可

按而凡前志所已載者訂訛補
闕亦復頌改舊觀自今以往官
斯土者既得有所考核以為敷
政之資而生長此邦者稱先道
古風景如新典型若接亦益有
以恢廓其見識而激發其志氣

泉州府志

郭序

八

泉士之興必更有倍於前者然
則
宮保楊公暨太守懷公之大有造
於吾泉也功不與斯志同永哉
予以謫陋之材獲襄鉅典因僭
敘緣起以告後之同志者肯乾

隆二十八年癸未臘月

賜進士出身中憲大夫知貴州安順

府事

予告侍養晉江郭廣武書



泉州府志

郭序

九

泉州府志叙

志也者所以彰政化占土

風挾今古之異同綜山川

之險易非直綴幽芬拾遺

事侈文采之美觀已也伊

泉州府志

序

一

古山海名經漢世以為出

自伯禹周禮司徒掌邦國

地圖保章氏以星土辨九

州之封域而誦詵實掌邦

志志之權輿尚矣漢武帝

今天下計書先上太史郡國之志亦在焉厥後朱貢條記風土班孟堅因之作地里志及晉摯虞又作畿服經常璩作華陽國志其

他如汝南先賢洛陽耆舊諸編紛綸竝作後世畫疆為志準此而興是所謂采風之遺而脩正史所未及者也七閩昔天南邊徼地

國家養育栽培重熙累洽篤生尤為極盛固賢才之接踵且將帥之聯翩蔚為名區允矣全閩領袖余自戊寅總制閩浙以簡蒐軍實

次第蒞茲郡守土者例以志呈展閱序言知係前明萬歷間舊本夫地輿有志猶國之有史也酌古尤宜準今闕疑還宜傳信今第

仍其舊未續其新不特自
明季以迄

國朝風俗之相沿人材之繼起
德業文學之流傳蔑由以
考而我

泉州府志

序

四

朝陞永春為州分隸德化別為
一州泉州祇領縣者五又
何以定方輿而尊
王制爰令郡守懷君悉舉是編
脩輯之徵文考獻禮致縉

紳駢集士類庚辰冬大局
差定越辛巳春懷君以公
事入京師署守龍巖嘉牧
不以代庖岐視悉力贊襄
錄呈初稿凡封域山川規

泉州府志

序

五

制版籍以逮名宦人物諸
傳靡不彬彬、可考及懷君
回任後益復殫心搜羅上
稽會典旁採群書挾異同
正舛謬不遺其所本有益

docsriver 文川网
入驻商家 古籍书城

在文川网搜索古籍书城 获取更多电子书

增其所本無易綱目為四十六門析縷分絲義胥賅洽計其卷帙視前志三之自明萬歷壬子至今百五十餘年之聲名文物胥於

是乎在煥然為一郡之巨觀雖未遽以為上追班范下法歐陽而已盡去方士之迂談不雜齊諧之誕語也已夫事難于矢志更難


于成功是書也矢志維余苟非賢太守踴躍從事窮搜博討閱四寒暑以告成功烏能使觀風者開卷了然共昭同軌同文之盛也

哉余喜此志之獲臻美備也即令付之剞劂因掇蕪言以弁其首

乾隆二十八年歲在癸未十二月

太子太保體仁閣大學士綱帶

閩浙使者遼陽楊廷璋序



泉州府志

序

八

泉州府志序

粵自我

朝定鼎以來百有餘載版章孔

厚幅隕既長

聖澤之涵濡實無遠之弗屆駸

泉州府志

序

一

駸乎一道同風盛治超軼

前代焉

欽定一統全志勒有成書四海

九州之大暨夫雕題鑿齒

之遙莫不碁布星羅犬牙

相錯考疆索者蓋瞭如指
掌矣至於省郡州邑亦各
範其山川土田之界遞分
編輯以為徵文考獻之資
則志之所闕者鉅也泉州

為閩南一都會面海倚山
連吳接粵土膏民沃華實
無資險雄固所稱天設其
間名臣碩士唐宋元明諸
代彬彬輩出我

周官以隸職方戰國騶無
餘守之秦并百越遂為閩
中郡漢初廢郡置治縣屬
於會稽東漢時稍以繁息
然地介偏陬聲名漸被之

所不及故詩書罕得稱焉
泉之為郡也在閩會垣西
南四百餘里襟帶三吳袤
延二廣控臨島海包絡山
川亦南陬一都會也嘉名

肇錫昉自隋開皇九年然
當時地兼福州諸境今之
泉郡則勝國時所建領縣
凡七迨

本朝疆宇日闢乃析永春為

泉州府志

序

四

州以德化隸之蓋其地僻
處南服而既當山海之會
為一望郡自唐宋以來歐
陽四門以風雅澤其邦蘇
忠簡留忠宣以功烈偉于

當世涖斯土者又得廣平
紫陽西山諸大儒牖掖而
陶甄之淬磨以理學彼都
人士俗易風移其異于古
之所云者蓋亦遠矣况我

泉州府志

序

五

國朝休養教化百餘年間宇
內清平民物康阜環山阻
海之區食德服疇絃歌遍
野名賢碩輔好修之儒相
望于世苟非載筆書之何

以彰盛美而傳於後雖然
郡國之所藉以傳者志也
泉郡之志在勝國有三而
嘉靖舊志不存存者率簡
略訛謬少可徵信今太守

泉州府志

序

六

懷君涵村建議修之延黃
君莘田郭君虞階董其成
復佐之以黃君心庵蔡君
騰上諸人於是芻采曲撫
門分類別訂其謬訛而補

其遺闕蓋燦然視前志增

大半焉書成請叙於余予

維風俗之盛衰與政化相

終始泉郡於古既稱僻遠

東漢時稍稍安阜矣而文

泉州府志

序

七

教未洽也唐宋則進乎文

矣而邑居之盛水陸之華

賢才之奮興其得雍雍然

俯仰名區發思古之幽情

揚太平之淑問者誠未有

如

今日之隆也余喜新志之既成而因為道

聖朝風俗之美原本教化雖海

濱山陬無不蒸然日進遠

泉州府志

序

八

軼前代豈非千載一時哉

夫宣

上德紀民風斯亦使者之任也

是為叙

兵部右侍郎兼都察院右

副都御史巡撫福建等處

地方提督軍務世襲騎都

尉定長撰



泉州府志

序

九

泉州府志序

稽古王朝列國之史皆謂之志
周官小史外史掌邦國之志志
也者所以紀山川人物儀文器
數之詳以成宇宙

之平之盛為政治興舉之原由來重

泉州府志

序

矣十閩係海國巖疆泉州一郡
分隸五邑為東南重地其閒典
章文物田賦川原甲於他府郡
志自前明隆萬以來修舉廢墜
一百數十餘年簡畧不備誠宜
急為編纂者也己卯季夏

制府楊公巡歷泉廈披閱郡志

爰命泉守懷君考訂修輯越二
年余適膺

簡命分巡茲土值懷君奉委北上署

府嘉君呈送抄本并屬序於余

公餘展卷見其旁搜遠紹補闕

泉州府志

序

二

拾遺綱紀燦然體度闕括實足
以彰

聖天子一道同風之化豈淺識者徒

事鋪張揚厲已哉夫志者郡之

史也備一郡之事者也山海交

錯存乎輿地建置存乎規制民

戶存乎版籍吏治存乎官守人
物詞翰文獻之徵也雜志紀編
衆流之府也正以立體詳以周
物精以審是公以永鑒四者具
而罔弗該矣將古今於是乎稽
焉治績於是乎懋焉教化於是

泉州府志

序

三

乎準焉民情休戚於是乎通焉
人才盛衰於是乎鑒焉卽余之
夙夜孜孜疇咨博採者得以互
稽考驗審厥攸宜其裨益又豈
淺鮮也耶余樂觀厥成因標舉
梗概而爲之序

特授福建興泉永道加一級紀錄二

次雲開朱椿譔



泉州府志

序

四

附舊志各序

嘉靖乙酉志序

凡志以系往實垂來憲上古聖神經天緯地畫象而分野夏禹貢周職方副是輿地寰宇星野山海河渠皆有志皆國也國則山川表鎮壤則邦典官聯民數詳焉細不詳不必詳也迨省則詳郡而下又詳備國志也自掌故氏廢志弗舉詳或過繁或簡則過以畧官政人物升落外迨稽求往風率我大明一統志觀焉一統志又國志也釐之為八閩則省志矣又釐而八郡則郡志矣郡

泉州府志

卷首

舊序

一

視省省視國繁簡疏密義例可舉諸他郡固已修矣泉七閩上郡志獨廢文獻無徵殆甚焉嘉靖癸未中都高君越以材御史來守問俗於野稽政於民退而嚴其故於郡士夫以與民興理無得也曰是胡置吾氓耳目塗哉匪民塗吾人者自塗之爾慨自歐陽四門以文章名蘇忠簡雷忠宣以相業著廣平紫陽西山數大儒又從而指授之道學正傳後先有避道風政俗昔賢之遺也紀述獨缺可乎乃合寅僚李君緝胡君寧道張君心禮致郡之賢有文給諫史君于光大行張君岳主撰述蔡

校于邑博鄧君文憲郡訓導鄭君道本舊志考信史積

如千日為類十又四卷二十又六巨細纖微編輯無爽而宦職士品加決擇焉公而明詳而覈嚴而則古良史才也而進民有禮矣定其趨象其賢鼓以成俗今之溫陵將諸郡乎最斯志可以觀矣君溫嶺端毅持大體舉廢興壞類有可書序郡志詳於志云嘉靖乙酉仲夏望日賜進士出身榮祿大夫太子太保刑部尚書甫見素林俊書于雲庄青野

又序

泉州府志

卷首

舊序

二

泉故閩望郡志闕弗修實自叔宋乃謀諸高侯越曰茲固可廢乎哉廢則無徵何以資理侯用亟圖乃惇聘給舍史君于光大行張君岳俾任厥事既成予愛讀焉則綱以綱之紀以紀之維闕用完維晦用彰發黜下上其有意義信斯良志也矣業自晦菴文公西山真公來收茲郡厥望益重惟我文公任道于南紹統濂洛真公實用私淑藉有耿光顧皆弗究厥施以老天下後世嗟言永傷而茲士願辱惠臨遜哉遺黎與被道化以闕有嘉聞斯固異數也矣繼自今走茲土者惟二公是則是徵

則行以德成而政斯善矣產茲士者亦惟二公是則是
傲則志以道宣而學斯善矣學善則本端政善則用利
執此以往則上佐吾君以仁覆宇內將有餘地而況於
郡縣乎竊不自揆願有獻焉惟吾黨圖之賜進士出身
福建按察司副使奉勅視學仁和邵銳撰

隆慶戊辰志前序

天地分而人物生乎其間上有天子爲之統治下列侯
國以分治之天子則有國史侯國各有外史今天下名
郡卽古之大國也而郡各有志卽古侯國外史之遺也

泉州府志

卷首

舊序

三

蓋萬古此天地則萬古此時事有事必有書史之與志
均以書其時事之實古今於是乎稽焉政治於是乎鑒
焉教化於是乎準焉民情憂樂於是乎通知焉人才盛
衰於是乎懲勸焉故郡之不可無志猶古列國之不可
無史也我國家大明一統志志我國家大一統萬世之
盛也統有兩畿十三省若八閩通志則志我閩一省萬
世之實也省統列郡如福如興如延建汀漳志各彬彬
然著矣泉爲七閩上郡獨宋淳祐間有清源志歷元以
至我朝嘉靖癸未開高侯越始聘莆江史公于光澤峯

泉州府志

卷首

舊序

四

張公岳修泉州府志自癸未迄今又四十有六年矣中
開吏治士風汚隆變態盜賊征斂歿亡轉徙奚啻萬端
久則往事盡廢卽有強爲之綴者亦蕪焉而已矣萬侯
來守是邦於是乎懼侯旣廉勤爲本慈毅爲施剔吏蠹
節民用鞠停民賦悉拯民瘼乃復學田葺學齋通學泮
潮汝庸作士類尤嚴邑考以鋤貪最殲逆酋以遏亂端
庶幾百爾具舉者矣遂以泉郡之志不容獨闕上之撫
臺任齋塗公巡臺又池王公提督學校見麓蔡公分巡
興泉心泉蘇公僉以其事卽屬之侯侯迺集晉江尹羅
名士氏郡邑博士殷伯固氏余采氏暨學生黃伯光氏
於庭而命之曰郡微守罔治守微志罔規志之闕如守
之責也謂羅氏殷氏余氏曰爾各司輯惟是探賸蒐逸
攷故索實爾之責也謂黃生曰爾司校惟是考異析疑
辯誤正訛爾之責也咸許諾於是三氏者各以其輯上
之萬侯侯與二郡少鶴丁公復徵之圖籍參之簿牒覆
之耆舊則總三氏之輯乃聘前吏部錦泉傅君夏器前
參知藩臬思所尤君烈肖簡朱君安期前姚安守特舉
趙君恒各司數目次以成編余適奉聖恩放歸田里萬

侯輒屬余與少司徒小竹黃公總其事辭弗獲遂合四君編目類爲八志首輿地志凡爲目十有一次規制志凡爲目十有二次版籍志凡爲目十有三次官守志其目有五次武衛志爲目亦五次秩祀志其目有十次人志其目有八終曰雜志其目有四至其所以類編之意則目錄之前既總爲凡例而入志之下又各有小序矣卷成萬侯復屬余博士氏申與黃生訂之訂一然後付郡幕邱如岱氏梓之侯曰始余之求治也蓋勞於咨訪矣茲志作而七邑治亂得失之詳一閱具在治而得

泉州府志

卷首

舊序

五

耶吾因而追復之亂而失耶吾得而鑿戒之豈惟不敏恒以爲規後之人歷考治亂之端而鏡於得失之林亦庶乎無事他求也已余愧識庸而學寡志大而才不足以副之然緣是編而獲見鄉諸先達賢不肖正邪真偽之辯凜凜然惟恐陷於邪僞不肖之塗而無以躋於賢正真誠之列是用夙夜匪懈則侯之所裨益於余者亦豈淺淺乎哉或曰事跡之散於古今也無盡賢才之產於鄉邦也各自名家于安知其無疎畧矣乎余故曰昇愧識庸而學寡抑古人嘗有闕疑闕殆者矣遂僭書于

志端隆慶戊辰夏六月六日賜進士第資政大夫正治上卿刑部尚書侍經筵官致仕蔡峯黃光昇書

又序

余嘗覽觀泉郡歷年登科諸錄自國初迄于嘉靖隆慶之閒殆二百年於斯爲盛而舊志開四十餘年不錄又嘗欲知一郡生齒之數則舊志無載靡所考至稽邑籍采風謠則云自嘉靖末寇亂兵興賦役日繁戶口日耗而生民之苦倍於往昔矣其籍之存者類多虛數而已夫人才出口口出人才盛而戶口衰此豈細故耶夫盛

泉州府志

卷首

舊序

六

衰之際得失之迹此甲古者之所慷慨而歌好古者之所託始而述有志復古之治之所深觀而議發憤而求也而忽焉者衆何哉姑孰靈湖萬公自司寇出守是郡質直有文平易而惠雅意菁莪之化而士知興起殫心鴻雁之歌而民用安宅于今二年蓋盛者益盛而衰者亦有完實之漸矣於是喟然興歎以爲外史掌邦國之故今世史無官吾爲郡長而使志不修邦之故事不傳民虞鬱而不昭墮賢士大夫之業不述闕莫大焉乃謀諸臧守少鶴丁君遂告諸巡撫都御史任齋塗公巡按

御史又池王公暨分巡僉事心泉蘇公咸以爲然於是擇鄉士夫之有文者而禮致之分主其事而總裁於尚書蔡峯侍郎小竹二公同誠協力整齊故事羅網舊聞約舊一十七志而爲八志凡卷二十有二迄五月而書成朗得而伏讀之見其綱約而目該詞核而事詳山川則究其脈絡源委城邑必表其年代廢置戶口賦役之登耗據事直書而治亂自見人物官守之行蹟或傳或註而流品自昭凡若此類多發前志所未備至其不錄去思之碑生祠之記以絕詔諛止浮僞尤有益於風教

泉州府志

卷首

舊序

七

吏理非獨文與事之兼核古所謂竊取之義蓋得之矣其於興衰保盛之政教豈少補哉初公謬以余預於是志之役而病未能也既成復命以序故不揣其陋爲敘其述作之意賜進士出身嘉議大夫都察院右副都御史前奉勅提督軍務巡撫貴州兼督湖北川東地方都人婚峯康朗書

萬歷壬子志前序

吾郡志不知何昉所可知者宋嘉定淳祐我朝嘉靖隆慶各有志其書之行於世隨古今爲代謝而一郡千秋

故實如火之傳薪車之接軌亦以永續不墮自隆慶戊辰迄于今四十有五載矣楚梅城陽公由戶曹大夫出守吾郡廉平敏達開成閉閣餘暇念郡志久闕圖續修之請於撫按藩臬諸臺皆報可但守蘭谿徐公推守安莊伍公左顧不佞翔而屬之筆不佞耄矣固辭弗克任而公固委之所敦請共事者則銓部林君志唯省元李君宗謙儀部何君穉孝學憲蘇君宏家皆博雅正直可藉以匡吾不逮不佞迺勉執役焉羣下駢萃奚用雕鏤衆首相宣已諧韶濩凡六閱月而志告

泉州府志

卷首

舊序

八

成陽公則又屬不佞序蓋墨于云吾見百國春秋今天下郡國各有志奚啻百矣顧其敘事屬詞率多繁而不約較之國策國語其篇章卷帙多寡懸殊得非以述往詔來寧詳毋畧爲守故重之耶夫守捐一方靈籠戶口登耗政事得失人才盛衰風俗醇駁咸握機黃堂之上其或政平訟理闕畝樂業則山增輝而川增潤否則妖豨之氛應之山古鏡今班班不爽語有之不習爲吏視已成事郡國有志固二千石鑑衡也夫惡得而不重也曩西漢良守若黃霸龔遂雷意民閒微而畜養種樹重

docsriver 文川网
入驻商家 古籍书城

在文川网搜索古籍书城 获取更多电子书

則孝弟力田咸若爲之稽記而矧於版籍賦斂之法良
有司賢士大夫之業張敞守山陽上言其戶口籍數課
計事畧又願自試它郡條奏其政治所繇廢所以興之
狀史稱其以經術輔政察用儒雅不虛哉陽公起家良
令敝歷有年一出而驟五馬聞見廣懃念深矣諸所撫
綏振飭易俗移風直足班漢家循良而出其右第令旁
詢諸寮案集郡邑博士整齊故實稱教令臨決之詎不
足以創盛典垂後觀而下詢閭閻草澤爲也不佞則諗
于共事諸君子太守公責成之意殷矣是宋真王二賢

泉州府志

卷首

舊序

九

守所未遑也吾儕其何以圖稱塞昔孔子善鄭國爲命
說者謂子產揀國總司厥事以潤色爲首功而其實不
然蓋鄭之諸賢實各據所長以襄國政草創潤色詎寧
有低昂而獨討論亟焉是衆思所爲集衆言所折衷周
書曰議事以制孟氏曰論世尚友胥此道也以故諸君
子殫精畢慮審法制之沿革揆時宜之通變覈官方於
民譽衡人品於旦評彼此錯綜可否相濟其討論甚詳
而偏私之見弗與焉此則不佞輩所以畱意桑梓而仰
副太守公責成之極思也若其永譽汗青以爲茲志重

者則太守公預之矣不佞以一日之長奉公命僭序
篇端萬歷壬子秋八月望日賜進士及第賚善大夫南
京禮部尚書前吏禮部左侍郎兼翰林院侍讀學士晉
江黃鳳翔撰

後序

按臺會稽陸公閱閩志而思有以續文獻之傳方延鄉
縉紳大夫緝理其事八郡守吏推公之意以告撫臺鄞
縣丁公藩臺江陰袁公臬臺高安陳公慈谿馮公金谿
張公請各先修其郡之志以備採擇旣得命謙泉守宜

泉州府志

卷首

舊序

十

修泉志於是與別駕徐君司理伍君造鄉先生大宗伯
黃公吏部林公孝廉李公儀部何公學使蘇公之廬請
黃公主其事而四公哀而成之五閱月殺青謙受而讀
之山川謠俗田賦戎祀吏治之鏡人文之林備而整簡
而核攬攬乎稱良志哉夫泉自漢始置部至唐爲上州
宋爲望郡遂章徹有聞其在今日則賢才甲於名區文
風雄於赤縣雖曩昔所稱豐鎬之都鄒魯之域何以遠
過方我二祖之開天也泉以海濱去神臯遠其聲名文
物猶函光而未曜以列聖培植之永聖天子有道之長

醞釀久而取旨也厚叩鐘遲而發響也洪茂美休明日
逢月浦以有今日之盛也似造物闢闢之氣使然然謙
縮符之初入境問俗見其鄉之往語以理學名者以氣
節著者以功業文章顯者彬彬乎棹楔相望廬可式書
可讀典型可挹已而延接縉紳逢掖則多佩衡帶矩誦
說先進閒有踴肆偏宕者輒以塵點素風羞之小民雖
競錐刀而繁燦燦然大抵畏法怯僇而儻狡凌橫者猶
少因嘆此邦皇化之浹洽深而高曾之規矩良其與豐
鎬鄒魯衡隆並盛固有所本非苟而已也抑謙又有感

泉州府志

卷首

舊序

十一

焉我朝泉志創於嘉靖癸未實張襄惠史給諫二公成
之越四十五年為隆慶戊辰黃恭肅諸公修之迄今四
十五年而五先生又重修之嘉靖志所載我朝百五十
年事平陂張弛難以更僕即以近日之為前後四十五
年者較之賦播多端島夷內訌民無寧歲野無青草彼
一時也田均徭省波澄浪息文恬武嬉桑繁麻茂此一
時也志具之矣宋歐陽脩以宣上恩德與民共樂為刺
史之事願泉郡銷山阻海田不益而生聚日繁即豐歲
亦給哺于外省三韓日狡焉內聞奸民冒死多載漢物

闌出與市海波將見告矣華來外煽悃悃內餽過此而
挽瀉返朴猶江河而之山此數者皆泉將來之慮而五
先生於志中其教兵食風俗之際蓋遺然二致意焉居
安者不忘危圖大者必于細守土之吏與此邦士民其
尚藉此繼為桑土砥柱之圖此撫按藩臬諸當道所為
續志體念也詎直一方文獻是徵云乎哉萬歷四十年
歲次壬子九月朔中順大夫知泉州府事楚梅城陽思
謙頓首拜書

泉州府志

卷首

舊序

十二